

駢

體

文

鈔

昔史臣述堯啟四言之始孔子贊易

此類辭之

端此上古

國書館藏曲臺記戰

之元音載道之華辭不徒以文言也

國之文百家之書莫不時引其緒至故

其體大備有書之昭明詩之諷諫禮之博物左之華腴故

其文典其音和盛世之文也後生祖述際齊梁而益工元

黃錯采丹青昭爛可謂美矣然不能有古人之意其蕩者

爲之或跌宕靡麗浮而無實放而不收至蕭氏父子而其

流斯極然其間如任昉沈約邱遲徐陵庾信之徒爲之莫

不淵淵乎文有其質焉惜也囿于俗而不能進厥體故君

子有自檜之譏焉以至于今作者代興互有工巧世莫能

尙揆其文善江鮑者豔厥體善徐庾者侈厥文旣其華不

旣其質習其流不探其源不可謂之善學者矣辨志書塾

馬  
之制下焉者則齊梁之篇爲多而古人喻志之作入焉錄  
自秦始迄于隋幾以端其塗徑道其門而已夫人受天地  
之中資五氣之和故發喉引聲和言中宮危言中商疾言  
中角微言中徵羽此自然之體勢不易之理也其一言之  
中亦莫不律呂相和宮徵相宣而不能自知然則駢儷之  
文不由是而作者耶論者往往右韓柳而左徐庾殆非通  
論也余于此固未嘗學切好諷誦之大凡廟廷之上敷陳  
聖德典麗博大有厚德載物之致則此體爲宜吳江吳育  
序

駢體文鈔上編

秦嶧山刻石 泰山刻石 瑯琊臺刻石 之罘立石

刻碣石門 會稽刻石

後漢班孟堅高祖泗水亭碑銘 十八侯銘 封燕然山

銘

蔡伯喈光武濟陽宮碑

魏曹子建制命宗聖侯孔羨奉家祀碑 承露盤銘

梁陸佐公新刻瀟銘 石闕銘

北魏溫鵬舉寒陵山寺碑

北齊王子淵上庸公陸騰勒功碑

隋薛元卿老氏碑

以上銘刻

漢揚子雲趙充國頌

後漢史孝山出師表

班孟堅寶車騎北伐頌

晉摯仲洽太康頌

潘正叔釋奠頌

宋鮑明遠河清頌

梁簡文帝大法頌  
南郊頌  
馬寶頌

北魏高伯恭北伐頌

隋許務本神雀頌

薛元卿隋高祖頌

以上頌

漢王子淵聖主得賢臣頌

司馬長卿封禪文

揚子雲劇秦美新

後漢班孟堅典引

張平子東巡詔

魏邯鄲子禮魏受命述

漢司馬長卿難蜀父老

王子淵四子講德論

終軍白麟奇木對

宋顏延年三月三日曲水詩序

王元長三月三日曲水詩序

梁沈休文梁武帝集序

梁元帝職貢圖序

隋李公輔霸朝集序

以上雜頌頌

漢揚子雲十二州箴十二首 百官箴十六首

後漢崔亭伯官箴三首

魏嵇叔夜太師箴

晉潘正叔乘輿箴

張茂先女史箴

摯仲洽尚書令箴

張夢陽劔閣銘

北齊王子淵皇太子箴

以上箴

漢揚子雲元后誄

魏曹子建文帝誄 平陽懿公主誄

後漢蘇孝山和帝誄

晉潘安仁世祖武皇帝誄 皇女誄

左九嬪萬年公主誄

晉成帝哀策

王恂晉武帝哀策

宋謝希逸宋孝武帝哀策文 宋孝武宣貴妃誄 皇太

子妃哀策文

齊王仲寶高帝哀策文

江文通齊太祖誄

謝元暉齊敬皇后哀策文

梁王元禮昭明太子哀策文

陳沈初明陳武帝哀策文

以上謚誄哀策

漢景帝後六年令二千石修職詔

漢武帝元朔元年議不舉孝廉者罪詔 元狩二年報李

廣詔



後漢光武帝報臧宮馬武詔

明帝申明科禁詔

章帝建初七年禘祭詔 元和二年詔三公 元和二年

祠明堂詔

和帝永元十二年恤民詔

鄧太后延平元年察吏勅

蜀漢後主策丞相諸葛亮詔

魏明帝賜彭城王據璽書

宋文帝元嘉二十六年駕幸丹徒詔

宋孝武帝孝建元年詔 大明七年告岳詔 大明七年

校獵歷陽詔

宋明帝泰始三年禁采供不時詔

梁武帝設謗木肺石二函詔 罷鳳凰啣書詔

梁元帝次建業詔

陳後主勸農詔 太建十四年詔 追封吳明徹詔

隋高祖報李穆詔 賜高麗王湯璽書

以上詔書

漢武帝元狩六年封齊王策 封燕王策 封廣陵王策

漢宣帝神爵三年丞相初拜策 五鳳二年御史大夫初

拜策 元壽二年丞相遣郡國計吏勅 御史大夫遣

郡國計吏勅

後漢陳孔璋爲袁紹王烏丸版文

潘元茂冊魏公九錫文

梁徐孝穆陳公九錫文

魏禪晉策

齊禪梁策

以上策命

蜀漢先主成都卽位告天文

齊高祖卽位告天文

漢匡稚圭禱高祖孝文武廟文  
告祭毀廟文

後漢蔡伯喈遷都告廟文

齊謝元暉祭大雷何周二神文

江文通蕭太傅東耕祝文

盧子行途陽山寺願文

隋煬帝寶臺經藏願文

以上告祭

漢王子贛敕掾功曹教

魏文帝以鄭稱爲武德侯傳令

曹子建黃初六年下國中令

宋傅季友爲宋公修張良廟教 修楚元王墓教

齊江文通建平王聘隱逸教

梁任彥昇宣德皇后令

蕭彥達爲荊州刺史下教

邱希範永嘉郡教

陸佐公至潯陽郡教

梁武帝禁奢令

梁簡文帝與劉孝儀令 與湘東王論王規令 移市教

罷雍州恩教 與僧正教

梁元帝課耕令

周文帝下朝士令

以上教令

漢鼂錯對賢良文學策

公孫宏對賢良文學策

晉摯仲治賢良對策

卻廣基賢良對策

齊王元長永明九年策秀才文五首 永明十一年策秀

才文五首

梁任彥升天監三年策秀才文三首

北齊樊孝謙升中紀號對 求才審官對 釋道教對

刑罰寬猛對 禍福報應對

以上策對

秦李斯上秦王書

漢賈山主言

枚叔上書諫吳王

鄒陽上書吳王

司馬長卿上書諫獵

王子陽諫昌邑王疏

劉子政上災異封事 訟陳湯疏

匡穉圭上政治得失疏 上元帝疏 上成帝疏

揚子雲諫不受單于朝書

後漢劉毅論鄧太后註紀疏

劉子奇上桓帝書 改鑄大錢議

黃世英移疾疏

蜀漢諸葛孔明出師表

魏高堂升平諫明帝疏

晉張士然爲吳令謝詢求爲諸孫置守塚人表

宋傅季友爲宋公求加贈劉前軍表 爲宋公至洛陽謁

五陵表

謝希逸上封禪儀註奏 求賢表

齊蕭子良言臺使表 密啟武帝 諫歛塘役錢啟 上

武帝請贈豫章王嶷啟

孔德璋上新定法律表

任彥升爲范始興作求立太宰碑表

梁簡文帝上昭明太子集別傳表

沈休文上宋書表

北魏蕭智亮考績表

邢子才請置學及修立明堂奏

隋柳或請禁絕百姓作角觝戲奏

牛里仁請開獻書之路表

李士恢上隋高祖革文華書

以上奏事

漢吾邱子贛難禁民挾弓弩

侯應罷邊備議

後漢蔡伯喈伐鮮卑議

孔文舉肉刑議

魏夏侯太初時事議

荀公曾省官議

晉摯仲洽駁用古尺

祀臯陶議

潘安仁上客舍議

宋何承天尹嘉罪議

齊王仲寶南郡王冠議

諒闇親奉丞嘗議

以上駁議

晉阮嗣宗爲鄭冲勸晉王牋

劉越石勸進表



梁任彥升百辟勸進今上牋

沈初明勸進梁元帝第二表 勸進梁元帝第三表

徐孝穆勸進元帝表

以上勸進

後漢蔡伯喈上始加元服與羣臣上壽表

魏曹子建慶文帝受禪表

宋鮑明遠征北世子誕育上表

梁沈休文賀齊明帝登祚章

齊江文通爲建平王慶明帝疾和表 爲蕭公上銅鐘芝

草衆瑞表 爲建平王慶少帝登祚表 慶王太后正

位章

北周庾子山賀平鄴都表 賀新樂表 爲齊王進赤雀

表 爲晉陽公進玉律秤尺斗升表

盧子行爲百官賀甘露表

以上賀慶

後漢陳忠薦周興疏

孔文舉薦謝該上書 葛禰衡表

蜀漢秦子勅奏薦儒士任定祖

晉陸士衡與趙王倫薦戴淵啟

桓元子薦譙元彥表

劉柳薦周續之

陸休猷薦朱萬嗣表

梁任彥升爲蕭揚州作薦士表

以上薦達

漢鄒陽獄中上書自明

中山靖王聞樂對

魏曹子建求自試表

求通親親表

陳審舉表

上責

躬詩表

晉羊叔子讓開府表

李令伯陳情表

陸士衡謝平原內史表

庾元規讓中書令表

殷仲文解尚書表

宋鮑明遠侍郎報滿辭閣疏

齊王仲寶請解僕射表

王元長求自試表

謝元暉拜中軍記室辭隋王牋

任彥昇爲齊明帝讓宣城郡公表 爲范尚書讓吏部封

侯第一表 爲褚諮議蔡讓代兄襲封表

江文通詣建平王上書 爲蕭太傅謝追贈祖父表 爲

蕭公謝開府辟召表 爲蕭公三讓揚州表 爲蕭驃

騎讓太尉增封第二表 爲蕭公讓九錫第二表

梁袁千里謝武帝啟

陶宏景解官表

王僧孺奉府牒 爲韋雍州致仕表

沈初明爲陳太傅讓表

北周庾子山爲閩將軍乞致仕表

陳江總持爲陳六宮謝章 爲陳六宮謝表

以上陳謝

漢司馬長卿喻巴蜀檄

後漢陳孔璋爲袁紹檄豫州 檄吳將校部曲

魏鍾士季檄蜀

魏魏伯起爲東魏檄梁文

齊江文通討沈攸之尚書符

漢王子淵移金馬碧雞

劉子駿移太常博士

後漢竇周公讓隗囂書

梁簡文帝答穰城求和移文

北周庾子山又移齊河陽執事文

以上檄移

漢王子贛刻匡衡張譚

陽方正奏罷鴻都文學

鍾元常上漢獻帝自劾書

晉劉大連劾周筵劉允李匡奏

齊任彥升彈蕭穎達疏 奏彈曹景宗 奏彈劉整

宗元饒劾陳哀奏

梁沈休文奏彈王源

劉士章彈賈執傅湛文

以上彈劾

右著錄若干首皆廟堂之製奏進之篇垂諸典章播諸金石者也夫拜颺殿陛敷頌功德同體對越表裡詩書義必嚴以闕氣必厚以愉然後緯以精微之思奮以瑰爍之辭故高而不樞華而不縟雄而不矜透迤而不靡馬班已降知者蓋希或猥瑣鋪敘以爲平通或詰屈彫琢以爲奇麗朴卽不文華卽無實未有能振之者也至於詔令章奏固亦無取儷詞而古人爲之未嘗不沉詳整靜茂美淵懿訓詞深厚實見于斯豈得以唐宋末流澆劫浮沓兼病其本哉故亦略存大凡使源流可知耳

駢體文鈔中編

漢司馬子長報任安書

王生與蓋寬饒書

鄭朋奏記蕭望之

後漢馮敬通奏記鄧禹

朱叔元爲幽州牧與彭寵書

臧子源報陳琳書

王仲宣爲劉荊州與袁譚書

魏阮元瑜爲曹公作書與孫權

孫子荆爲石仲苞與孫皓

吳薛敬文與諸葛恪書

晉伏文表與阮籍書

阮嗣宗答伏羲書

奏記詣蔣公

呂仲悌與嵇茂齊書

劉越石答盧湛書

宋周義利報羊希書

齊張延符與尚書令王儉書

梁邱希範與陳伯之書

簡文帝與湘東王論文書

王僧孺與何炯書

陸韓卿與沈約書

徐孝穆與王僧辯書  
在北齊與楊僕射書  
爲貞陽侯

重與王太尉書

陳霸先答貞陽侯書

徐孝穆報尹義尚書

尹義尚與徐僕射書



朱瑒與徐陵請王琳首書

以上書

漢賈生過秦論

後漢班叔皮王命論

李蕭遠運命論

魏曹元首六代論

晉阮嗣宗達莊論

嵇康養生論

陸士衡五等論

潘正叔安生論

于令升晉紀總論

宋何承天安邊論

梁劉孝標辨命論

廣絕交論

北齊盧子行勞生論

隋李公輔天命論

以上論

漢劉子政上戰國策敘

後漢許叔重說文解字序

王叔師楚詞章句序

晉陸士衡豪士賦序

石季倫思歸引序

郭景純山海經序

王逸少蘭亭集序

葛稚川抱朴子序

盧山道人遊石門詩序

宋張思光門律自序

齊任彥升王文憲集序

梁昭明太子文選序 陶淵明集序

梁元帝內典碑銘集林序 全德志序 丹陽尹傳序

忠臣傳諫諍篇序

劉孝綽昭明太子集序

劉孝標金華山栖志序

庾子慎書品序

北魏酈善長水經注序

陳徐孝穆玉臺新詠序

漢司馬子長史記自序

後漢班孟堅漢書序傳

以上序類

漢董仲舒山川頌

王升司隸校尉楊孟文石門頌

漢故穀城長蕩陰令張君表頌

後漢蔡伯喈祖德頌 京兆樊惠渠頌

魏劉伯倫酒德頌

晉陸士衡漢高祖功臣頌

陸士龍盛德頌 登遐頌

孫興公聘士徐君墓頌

齊江文通閩中草木頌十五首

魏高伯恭徵士頌

晉陸士龍榮啟期贊

像

夏侯孝若東方朔畫贊

郭景純山海經圖讚

袁彥伯三國名臣序贊

庾仲初虞舜像贊

戴安道閒遊贊

陶淵明讀史述九章

後漢揚子雲酒箴

晉裴逸民女史箴

江道載逸民箴

後漢張平子綬笥銘

崔子玉座右銘

蔡伯喈黃鉞銘 東鼎銘 中鼎銘 西鼎銘

士孫瑞劍銘 漢鏡銘二首

魏卞蘭座右銘

晉傅休奕擬金人銘作口銘

宋鮑明遠藥奩銘 石帆銘

梁元帝梁安寺刹下銘  
漏刻銘  
東宮後堂仙室山銘  
庾慎之團扇銘

北周庾子山秦州天水郡麥積崖佛龕銘  
東宮行雨山銘  
東宮玉帳山銘  
至仁山銘  
望美人山銘  
明月山銘

漢崔子玉草書勢

後漢蔡伯喈篆勢  
隸勢

晉衛巨山字勢

宋鮑明遠飛白書勢

以上襍頌贊箴銘

漢修西嶽廟記

後漢張昶西嶽華山堂闕碑銘

王延壽桐柏廟碑

成陽靈臺碑

蔡伯喈陳留索昏庫上里社碑

王仲宣荊州文學記

魏闈人牟準魏敬侯碑陰文

晉造戾陵遏記

齊王簡棲頭陀寺碑

梁沈休文桐柏山金庭館碑銘

梁簡文帝招真館碑 吳郡石像碑

梁元帝荊州放生亭碑 皇太子講學碑

徐孝穆司空徐州刺史侯安都德政碑 晉陵太守王廞

德政碑

以上碑記

後漢蔡伯喈胡公碑銘 太傅文恭侯胡公碑 太傅胡

公碑 楊公碑 司空文烈侯楊公碑 漢太尉楊公

碑 朱公叔墳前石碑 陳太邱碑 郭有道林宗碑

貞節先生范史雲碑 袁滿來墓碑 胡夫人黃氏

神誥 胡夫人靈表 議郎胡公夫人哀讚

齊王仲寶褚淵碑文

梁沈休文齊故安陸昭王碑文

北周庾子山周太子太保步陸逞神道碑 周大將軍司

馬裔碑 周柱國長孫儉神道碑 周車騎將軍賀婁

公神道碑

北魏溫鵬舉常山公主碑

以上墓碑

漢王史威長葬銘

杜子夏臨終作文命刻石埋于墓前



宋臨澧侯劉使君墓誌

宋張氏墓誌

齊江文通宋安成王右常侍劉喬墓銘 宋光祿大夫孫

覲墓銘

梁任彥昇劉先生夫人墓誌

梁簡文帝華陽陶先生墓誌銘 戎昭將軍劉顯墓銘

梁元帝庾先生承先墓誌 侍中吳平光侯墓誌銘

北魏溫鵬舉司徒元樹墓誌銘

宋徐修仁故永陽敬太妃墓誌銘

北魏崔敬邕墓誌銘

北魏故懷令李君墓誌銘

北周庾子山周大將軍懷德公吳明徹墓誌銘 周大將

軍義興公蕭公墓誌銘 周大將軍瑯琊定公司馬裔

墓誌銘 周譙國夫人步陸孤氏墓誌銘 周太傅鄭

國公夫人鄭氏墓誌銘

後漢蔡伯喈爲陳留上孝子狀

梁任彥升齊竟陵文宣王行狀

沈休文齊司空柳世隆行狀

齊江文通建平王太妃周氏行狀

以上誌狀

後漢張平子大司農鮑德詠

魏曹子建王仲宣詠 仲雍哀詞

晉潘安仁楊荊州詠 楊仲武詠 夏侯常侍詠 馬汧

督誅 傷子辭 悲邢生辭 爲任子咸妻作孤女澤

蘭哀辭 金鹿哀辭 哀永逝文

陶淵明自祭文 祭從弟敬遠文

宋顏延年陽給事誄

陶徵士誄

王僧達祭顏光祿文

梁劉令嫺祭夫徐悱文

謝惠連祭古冢文

北周庾子山思舊銘

以上誄祭

右著錄若干篇指事述意之作也或縝密而端慤或豪侈而詖盪蓋指事欲其曲以盡述意欲其深以婉澤以此與則詞不迫切資以故籍故言爲典章也韓非淮南已導先路王符應劭其流孔長立言之士時有取焉然枝葉已繁或披其本以仲宣之覃精而子桓病其體弱亦學者之通患也碑誌之文本與史殊體中郎之作質其有文可爲後法故錄之尤備焉

駢體文鈔下編

周淳于髡諷齊威王

宋玉對楚王問

漢東方曼倩答客難 非有先生論

揚子雲解嘲 解難

後漢班孟堅賓戲

張平子應問

崔亭伯達旨

蔡伯喈釋誨

晉東廣微元居釋

皇甫士安釋勸

夏侯孝若抵疑

以上設辭

漢枚叔七發

魏曹子建七啟

晉張景揚七命

梁何仲言七召

簡文帝七勵

以上七

漢揚子雲連珠

後漢班孟堅連珠

魏潘勗擬連珠

晉陸士衡演連珠五十首

宋謝惠連連珠

顏延年範連珠

齊王仲寶暢連珠

梁沈休文連珠

北周庾子山擬連珠四十四首

以上連珠

魏文帝與吳質書 與鍾大理書 與吳質書

吳季重答魏太子牋

曹子建與吳季重書

吳季重答東阿王書

曹子建與楊修書

楊德祖答臨淄侯牋

吳季重在元城與魏太子牋

陳孔璋答東阿王牋 爲曹洪與魏文帝書

繁休伯與魏文帝牋

應德璉報龐惠恭書

應休璉與滿炳書 與廣川長岑文瑜書 與侍郎曹長

思書 與從弟君苗君胄書

晉陸士仁答從兄安成王書

陸士龍答車茂安書

宋鮑明遠登大雷岸與妹書

齊蕭子良與荊州隱士劉虬書

江文通與交友論隱書

梁昭明太子答湘東王求文集詩苑書 與何允書

梁簡文帝答徐摛書 與蕭臨川書 南康簡王薨上東

宮啟

劉孝儀從弟喪上東宮啟

陶宏景答謝中書書

任彥升爲庾杲之與劉居士虬書

沈休文報博士劉杳書 陳倩書與徐勉

劉孝綽報湘東王書

謝幾卿答湘東王書

吳叔庠與施從事書 與顧章書 與朱元思書

北周庾子山答趙王啟 答移市教

周宏讓與徐陵薦方圓書

梁徐孝穆答周宏讓書 與李那書

李那答徐陵書

北魏王子淵與周處士書

周宏讓答王褒書

梁史世休答東宮啟

祖鴻勳與陽休之書

劉孝標追答劉沼書



何仲言爲衡山侯與婦書

北周庾子山爲上黃侯世子與婦書

伏知道爲王寬與婦義安主書

宋王元長謝竟陵王示扇啟 謝武陵王賜弓啟

齊謝元暉謝隨王賜紫梨啟 謝隨王賜左傳啟

梁昭明太子謝勅賚水犀如意啟 謝勅賚制大涅槃經

講疏啟 十二月啟

梁簡文帝答南平嗣王餉舞簞書 答蕭子雲上飛白書

屏風書 答公主餉胡子一頭 謝賚扇啟 謝東宮

賜裘啟 東宮上掘得慈覺寺鐘啟

梁元帝謝勅賜第啟 上東宮古跡啟 謝東宮賜白牙

縷管筆啟 謝晉安王賜馬啟 爲妾宏夜姝謝東宮

賚合心花釵啟

劉孝儀謝鄱陽王賜鉢啟 謝晉安王賜宜城酒啟 謝

東宮賜城傍橋啟 謝東宮賜淨饌啟

劉孝威謝賚錦被啟

張伯緒謝東宮賚園啟

任孝恭謝賚錢治宅啟

庾慎之謝東宮賜宅啟 謝東宮賚米啟 謝東宮賚古

跡啟 謝賚梨啟 謝武陵王賚白綺綾啟 謝厯日

啟 答陶隱居賚术煎啟

北周庾子山謝滕王集序啟 謝趙王賚馬并繖啟 謝

明帝賜絲布等啟 謝趙王賚息絲布啟 謝趙王賚

絲布啟 謝趙王示新詩啟 謝趙王賚白羅袍袴啟

謝滕王賚馬啟 謝趙王賚犀帶啟 謝趙王賚米

啟 謝趙王賚乾魚啟

以上賸牘

漢王子淵僮約 責髯奴文

晉陸士龍牛責季友文

吞道元與吞公牋

後漢戴文讓失父零丁

梁吳叔庠餅說

後漢班孟堅奕旨

梁劉孝儀探物豔體連珠

陶通明授陸敬游十賚文

袁陽源雞九錫文并勸進

韋琳鮑表

沈休文修竹彈甘蔗文

吳叔庠檄江神責周穆王壁

孔德璋北山移文

後漢糜元弔夷齊文

晉陸衡弔魏武帝文

陳沈初明經通天臺奏漢武表

魏曹子建釋愁文

梁王僧孺懺悔禮佛文

簡文帝爲人作造寺疏

後漢仲長公理樂志論

梁蕭大圖志言

以上雜文

右著錄若干篇多緣情託興之作戰國詼諧辨譎者流實肇厥端其言小其旨淺其趣博往往託思於言表潛神于旨裡引情于趣外是故小而能微淺而能永博而能檢就

其編者亦潤理內苞秀采外溢不徒以縷繪爲工通峭取致而已後之作者乃以爲游戲佻側洗盪忘其所歸遂成俳優病尤甚焉尺牘之美非關造作妍媸雅鄭每肖其人齊梁啟事短篇藻麗間見旣非具體無關效法十而存一概可知也

少讀文選頗知步趨齊梁後蒙

恩入庶常臺閣之製例用駢體而不能致工因益搜輯古人遺篇用資時習區其鉅細分爲三編序而論之曰天地之道陰陽而已奇偶也方圓也皆是也陰陽相並俱生故奇偶不能相離方圓必相爲用道奇而物偶氣奇而形偶神奇而識偶孔子曰道有變動故曰爻爻有等故曰物物相雜故曰文又曰分陰分陽迭用柔剛故易六位而成章相雜而迭用文章之用其盡於此乎六經之文班班具存

自秦迄隋其體遞變而文無異名自唐以來始有古文之目而目六朝之文爲駢儷而爲其學者亦自以爲與古文殊路既歧奇與偶爲二而於耦之中又歧六朝與唐與宋爲三夫苟第較其字句徵其影響而已則豈徒二焉三焉而已以爲萬有不同可也夫氣有厚薄天爲之也學有純駁人爲之也體格有遷變人與天參焉者也義理無殊途天與人合焉者也得其厚薄純雜之故則于其體格之變可以知世焉於其義理之無殊可以知文焉文之體至六代而其變盡矣沿其流極而泝之以至于其源則其所出者一也吾甚惜夫歧奇偶而二之者之毗於陰陽也毗陽則躁剽毗陰則沉臆理所必至也於相雜迭用之旨均無當也李兆洛序

合河蕭氏  
引輝家譜

駢體文鈔卷一

銘刻類

李斯繹山刻石

史記始皇二十八年始皇東行郡縣上鄒嶧山立石與魯諸生議刻石頌秦德按此文史記獨不載然其詞固非後人所能僞也

此在泰山立石之前初誇大其并兼六國故首述其在昔稱王繼及上薦高號繼乃頌其一家天下而不及其餘

皇帝立國維初在昔嗣世稱王討伐亂逆威動四極武義直方戎臣奉詔經時不久滅六暴強廿有六年上薦高號孝道顯明既獻秦成乃降專惠親巡遠方登於嶧山羣臣從者咸思攸長追念亂世分土建邦以開爭理攻戰日作流血於野自秦古始世無萬數阨及五帝莫能禁止迺今皇帝壹家天下兵不復起燔害滅除黔首康定利澤長久羣臣誦略刻此樂石以箸經紀



皇帝曰金石刻盡始皇帝所爲也今襲號而金石刻辭不稱始皇帝其於久遠也如後嗣爲之者不稱成功盛德丞相臣斯臣去疾御史大夫臣德昧死言臣請具刻詔書金石刻因明白矣臣昧死請制曰可

李斯泰山刻石

史記二十八年始皇東行郡縣上鄒嶧山立石與魯諸生議刻石頌秦德議封禪望

祭山川之事遂上泰山立石封祠祀下禪梁父刻所立石

此以封禪望祭立石故其詞特莊

皇帝臨位作制明法臣下修飭二十有六年初并天下罔不賓服親巡遠方黎民登茲泰山周覽東極從臣思述本原事業祇誦功德治道運行諸產得宜皆有法式大義休明垂于後世順承勿革皇帝躬聖既平天下不懈于治夙興夜寐建設長利專隆教誨訓經宣達遠近畢理咸承聖志貴賤分明男女禮順慎遵職事昭隔內外靡不清淨施

于後嗣化及無窮遵奉遺詔永承重戒

李斯琅玕臺刻石

史記於是乃並海以東過黃陲窮成山登之采立石頌秦德焉而去南登琅玕

大樂之作琅玕臺立石刻頌秦德明得意

前半是頌秦德後半是明得意始皇登琅玕而大樂之故其詞特鋪張盡致此及上二刻皆二十八年所立而詞皆稱二十六年者原并天下之始而言也

維二十六年皇帝作始端平法度萬國之紀以明人事合同父子聖智仁義顯白道理東撫東土以省士卒事已大畢乃臨于海皇帝之功勤勞本事上農除末黔首是富普天之下搏心揖志器械一量同書文字日月所照舟輿所載皆終其命莫不得意應時動事是維皇帝匡飭異俗陵水經地憂恤黔首朝夕不懈除疑定法咸知所辟方伯分職諸治經易舉錯必當莫不如畫皇帝之明臨察四方尊

卑貴賤不踰次行姦邪不容皆務貞良細大盡力莫敢怠  
荒遠邇辟隱專務肅莊端直敦忠事業有常皇帝之德存  
定四極誅亂除害興利致福節事以時諸產繁殖黔首安  
寧不用兵革六親相保終無寇賊驩欣奉教盡知法式六  
台之內皇帝之土西涉流沙南盡北戶東有東海北過大  
夏人迹所至無不臣者功蓋五帝澤及牛馬莫不受德各  
安其宇維秦王兼有天下立名爲皇帝乃撫東土至于琅  
玕列侯武城侯王離列侯通武侯王賁倫侯建成侯趙亥  
倫侯昌武侯成倫侯武信侯馮毋擇丞相隗狀丞相王綰  
卿李斯卿王成五大夫趙嬰五大夫楊樛從與議于海上  
曰古之帝者地不過千里諸侯各守其封域或朝或否相  
侵暴亂殘伐不止猶刻金石以自爲紀古之五帝三王知  
教不同法度不明假威鬼神以欺遠方實不稱名故不久

長其身未歿諸侯背叛法令不行今皇帝并一海內以爲郡縣天下和平昭明宗廟體道行德尊號大成羣臣相與誦皇帝功德刻于金石以爲表經維秦王兼有天下以下所以重誦也

李斯之罪立石

史記二十九年始皇東遊登之罘刻石

史記二十八登之罘立石二十九年登之罘刻石蓋卽刻所立之石也

維二十九年時在中春陽和方起皇帝東游巡登之罘臨照于海從臣嘉觀原念休烈追誦本始大聖作治建定法度顯著綱紀外教諸侯光施文惠明以義理六國回辟貪戾無厭虐殺不已皇帝哀衆遂發討師奮揚武德義誅信行威輝旁達莫不賓服烹滅彊暴振救黔首周定極方普施明法經緯天下永爲儀則大矣哉宇縣之中承順聖意

羣臣誦功請刻于石表垂于常式

李斯東觀刻石

維二十九年皇帝春游覽省遠方逮于海隅遂登之罘昭臨朝陽觀望廣麗從臣咸念原道至明聖法初興清理疆內外誅暴彊武威旁暢振動四極禽滅六王闡并天下菑害絕息永偃戎兵皇帝明德經理宇內視聽不怠作立大義昭設備器咸有章旗職臣遵分各知所行事無嫌疑黔首改化遠邇同度臨古絕尤常職既定後嗣循業長承聖治羣臣嘉德祇誦聖烈請刻之罘

李斯碣石刻石

史記三十二年始皇之碣石刻碣石門壞城郭決通隄防

特從壞城郭決通隄防用意爲後人因事立碑之式

東觀碣石二刻皆按時事言之昭設備器職臣遵分常職既定云云語皆有所指也

遂與師旅誅戮無道爲逆滅息武殄暴逆文復無罪庶心  
咸服惠論功勞賞及牛馬恩肥土域皇帝奮威德并諸侯  
初一秦平平當爲宇與阻撫韻墮壞城郭決通川防夷去險阻地勢  
既定黎庶無繇天下咸撫男樂其疇女修其業事各有序  
惠被諸產人並來田莫不安所羣臣誦烈請刻此石垂著  
儀矩

李斯會稽刻石

史記三十七年始皇出游上會稽祭大禹望于南海而立石刻頌秦德

此在焚書坑儒大定法制之後故有考驗事實貴賤並  
通云云楚越俗薄故於宣義廉清尤詳言之也 秦相  
他文無不詆麗頌德立石一變爲樸渾知體要也其詞  
其氣便欲破除詩書自作古始亦卽焚書坑儒伎倆

皇帝休烈平一宇內德惠修長三十有七年親巡天下周  
覽遠方遂登會稽宣省習俗黔首齊莊羣臣誦功本原事

迹追首高明秦聖臨國始定刑名顯陳舊章初平法式審別職任以立恒常六王專倍貪戾傲猛率衆自強暴虐恣行負力而驕數動甲兵陰通間使以事合從行爲辟方內飾詐謀外來侵邊遂起禍殃義威誅之殄息暴悖亂賊滅亡聖德廣密六合之中澤被無疆皇帝并宇兼聽萬事遠近畢清運理羣物考驗事實各載其名貴賤並通善否陳前靡有隱情飾省宣義有子而嫁倍死不貞防隔內外禁止淫泆男女絜誠夫爲寄殺之無罪男秉義程妻爲逃嫁子不得母咸化廉清大治濯俗天下承風蒙被休經皆遵度軌和安敦勉莫不順令黔首修潔人樂同則嘉保太平後敬奉法常治無極輿舟不傾從臣誦烈請刻此石光垂休銘

班孟堅高祖泗水亭碑銘





盾千鈞拔主項堂與漢破楚矯矯忠良卒爲丞相帝室以

康右將軍赫赫將軍受兵黃石規圖勝負不出帷幄命

惠瞻仰安全正朔國師是封光榮舊宅右將軍留懿懿太

尉醇厚樸誠輔翼受命應節御營厯位卿相土國兼井見

危致命社稷以寧右太尉絳蹇蹇相國允忠克誠臨危處

險安而匡傾興代之際濟主立名身履國土秉御乾楨右

厄揚名于後右丞相戶堂堂張敖耳之遺萌以誠佐國序

跡建忠功成德立襲封南宮垂號萬春永保無疆右南宮

行行衛尉德行循規遭兄食其隕歿於齊橫耻愧景勿頭

自獻金紫褒表萬世不刊右衛尉商煌煌將軍輔漢久長

威震呂氏姦惡不揚寇攘殄盡躬迎代王功顯帝室萬世

益章右將軍斌斌將軍鷹武是揚內康王室外鎮四方

益章右將軍斌斌將軍鷹武是揚內康王室外鎮四方

益章右將軍斌斌將軍鷹武是揚內康王室外鎮四方

諸夏又安流及要荒聲騁海內苗嗣紀功

右將軍汝陰侯夏侯嬰休

休將軍如虎如羆御師勒陳破敵以威靈金曜楚火流烏

飛將命仗節功績永垂

右將軍陽陵侯傅寬

斤斤將軍忠信孔雅出

身六師十二四旅折衝捍難遂寧天下金龜章德建號傳

後

右將軍信武侯靳黈

明明丞相天賦庭直剛德正行不枉不曲功

業成著榮顯食邑距呂奉主昭然不惑

右丞相安國侯王陵

桓桓將

軍輔主克征奉使全璧身出項營序功差德履讓以平轉

北而遊雲中以傾

右將軍襄平侯韓信

巖巖將軍帶武佩威御雄乘

險難困不違仇滅主定四海是楨功成食土德被遐邇

苑注邇當作昆

右將軍棘津侯陳武

晏晏曲成與從龍騰安危從主赤曜

以升赫赫皇皇道彌光明惟德御國流及後萌

右曲成侯蟲達肅

肅御史以武以文相趙距呂志安君身徵詣行所如意不

全天秩邑土勳乃永存

右御史大夫汾陰侯周昌

邑邑將軍育養烝徒

建謀正直行不匿邪入軍討敵項定天都佩雀雙印百里

為家右將軍青陽侯王吸

班孟堅封燕然山銘

寬博

惟永元元年秋七月有漢元舅曰車騎將軍竇憲寅亮聖  
王登翼王室納于大麓惟清緝熙乃與執金吾耿秉述職  
巡禦治兵于朔方鷹揚之校螭虎之士爰該六師暨南單  
于東胡烏桓西戎氐羌侯王君長之羣驍騎十萬元戎輕  
武長轂四方雷輜蔽路萬有三千餘乘勒以八陣莅以威  
神元甲耀日朱旗絳天遂凌高闕下雜鹿經磧鹵絕大漠  
斬溫禺以纓鼓血尸逐以染鏑然後四校橫徂星流彗掃  
蕭條萬里野無遺寇於是域滅區殫反旆而旋考傳驗圖  
窮覽其山川遂踰涿邪跨安侯乘燕然躡冒頓之區落焚

老上之龍庭將上以攄高文之宿憤光祖宗之元靈下以  
安固後嗣恢拓境宇振大漢之天聲茲可謂一勞而久逸  
暫費而永寧也乃遂封山刊石昭銘盛德其辭曰鑠王師  
兮征荒裔勦凶虐兮截海外復其邈兮亘地界封神邱兮  
建隆岫熙帝載兮振萬世  
蔡伯喈光武濟陽宮碑

中郎之文皆雍雍矩度

惟漢再受命曰世祖光武皇帝考南頓君初爲濟陽令濟  
陽有武帝行過宮常封閉帝將生考以令舍下濕開宮後  
殿居之建平元年十二月甲子夜帝生時有赤光室中皆  
明使卜者王長卜之長曰此善事不可言歲有嘉禾一莖  
生九穗長於凡禾因爲尊諱王室中微哀平短祚茲臣王  
莽偷有神器十有八年罪盈惡熟天人致誅帝乃龍見白

水淵躍昆澗破前隊之衆殄二公之師收兵畧地經營河朔戮力戎功翼戴更始義不卽命帝位闕焉於是羣公諸將據河洛之文叶符瑞之珍僉曰歷數在帝踐祚允宜乃以建武元年六月乙未卽位鄴縣之陽五成之陌祀漢配天不失舊物享國三十六年方內又安蠻夷率服巡狩秦山禪梁父皇代之遐迹帝者之上儀罔不畢舉道德餘慶延于無窮先民有言樂樂其所自生而禮不忘其本是以虞稱媯汭姬美周原皇天乃眷神宮實始于此厥跡邈哉所謂神麗顯融越不可尙小臣河南尹鞏璋先祖銀艾封侯憑世卿尹受漢厚恩璋以商箕餘烈郡舉孝廉爲大官丞來在濟陽顯見神宮追惟桑梓褒述之義用敢作頌頌曰

赫矣炎光爰耀其輝篤生聖皇貳漢之微稽度虔則誕育

靈姿黃孽作慝篡握天機帝赫斯怒爰整其師應期潛見  
扶陽而飛禍亂克定羣兇殄夷匡復帝載萬國以綏巡于  
四嶽展義省方登封降禪升于中皇爰茲初基天命孔彰  
子子孫孫保之無疆

曹子建制命宗聖侯孔羨奉家祀碑

亦是步武中郎

維黃初元年大魏受命肩軒轅之高蹤紹虞氏之遐統應  
歷數以改物揚仁風以作教於是輯五瑞班宗彝鈞衡石  
同度量秩羣祀於無文順天時以布化旣乃緝熙聖緒紹  
顯上世追存三代之禮兼紹宣尼之後以魯縣百戶命孔  
子二十一世孫議郎孔羨爲宗聖侯以奉孔子之祀制詔  
三公曰昔仲尼負大聖之才懷帝王之器當衰周之末而  
無受命之運在魯衛之朝教化洙泗之上栖栖焉皇皇焉

欲屈己以存道貶身以救世於是王公終莫能用之乃退  
考五代之禮修素王之事因魯史而制春秋就太史而正  
雅頌俾千載之後莫不宗其文以述作仰其聖以謀咨可  
謂命世大聖億載之師表者也遭天下大亂百祀墮壞舊  
居之廟毀而不修褒成之後絕而莫繼闕里不聞講誦之  
聲四時不睹蒸嘗之位斯豈所謂崇禮報功盛德必百世  
祀者哉嗟乎朕甚憫焉其以議郎孔羨爲宗聖侯邑百戶  
奉孔子之祀令魯郡修起舊廟置百石卒史以守衛之又  
於其外廣爲屋宇以居學者於是魯之父老諸生游土階  
廟堂之始復覩俎豆之初設嘉聖靈於髣髴想禎祥之來  
集乃慨然而嘆曰大道衰廢禮樂絕滅三十餘年皇上懷  
仁聖之懿德兼二儀之化育廣大包於無方淵深淪於不  
測故自受命以來天人咸和神氣氤氳嘉瑞踵武休徵屢

臻殊俗解編髮而慕義遐夷越險阻而來賓雖太皞遊龍  
以君世虞氏儀鳳以臨民伯禹命元宮而爲夏后西伯由  
岐社而爲周文尙何足稱於大魏哉若乃紹繼微絕興修  
廢官疇咨稽古崇配乾坤况神明之所福作宇宙之所觀  
欣欣之色豈徒魯邦而已哉爾乃感股人路寢之義嘉先  
民泮宮之事以爲高宗僖公蓋嗣世之王諸侯之國耳猶  
著德於三代騰聲於千載况今聖王肇造區夏創業垂統  
受命之日曾未下輿而褒美大聖隆化如此能無頌乎乃  
作頌曰

煌煌大魏受命溥將繼體黃唐包夏含商降釐下土廓清  
三光羣祀咸秩靡事不綱嘉彼元聖有赫其靈遭世霧亂  
莫顯其榮褒成旣絕寢廟斯傾闕里蕭條靡紹靡馨我皇  
悼之尋其世武乃建宗聖以紹厥後修復舊堂豐其薨宇



莘莘學徒爰居爰處王教旣新羣小遄沮魯道以興永作  
憲矩洪聲豈遐神祇來和休徵雜遘瑞我邦家內光區域  
外被荒遐殊方慕義搏拊揚歌於赫四聖運世應期仲尼  
旣沒文亦在茲彬彬我后越而五之垂於億載如山之基  
曹子建承露盤銘有序一作頌

皇帝鑄承露盤莖長十二丈大十圍上盤逕四尺下盤逕  
五尺銅龍遶其根龍身長一丈背負兩子自立於芳林園  
甘露乃降使臣爲銘銘曰岿岿承露峻極太清神若禰魄  
洪基嶽停下潛醴泉上受雲英和氣四充翔風所經匪我  
明后孰能經營近歷纏度三光朗明殊俗歸義祥瑞混并  
鸞鳳晨棲甘露宵零神物攸協高而不傾奉天戴巍恭統  
神器固若露盤長存永貴賢聖繼跡奕世明德不忝先功  
保茲皇極垂祚億兆永荷天秩

陸佐公新刻漏銘

銘起盤孟辨物當名貴覈而肅文雖失於辟積而密藻可觀

夫自天觀象昏旦之刻未分治厯明時盈縮之度無準挈壺命氏遠哉義用揆景測辰徼宮戒井守以水火分茲日夜而司厯亡官疇人廢業孟陬殄滅攝提無紀衛宏載傳呼之節較而未詳霍融叙分至之差詳而不密陸機之賦虛握靈珠孫綽之銘空擅崑玉宏度遺篇承天垂旨布在方策無彰器用譬彼春華同夫海棗寧可以軌物治民作範垂訓者乎且今之官漏出自會稽積水遠方導流乖則六日無辨五夜不分歲躔闕茂月次姑洗皇帝有天下之五載也樂遷夏諺禮變商俗業類補天功均柱地河海夷晏風雲律呂坐朝晏罷每旦晨興屬傳漏之音聽雞人之

響以爲星火謬中金水違用時乖啓閉箭異錙銖爰命日  
 官草創新器於是俯察旁羅登臺升庫則于地四參以天  
 一建武遺蠹咸和餘舛金筒方員之制飛流吐納之規變  
 律改經一皆懲草天監六年太歲丁亥十月丁亥朔十六  
 日壬寅漏成進御以考辰正晷測表候陰不謬圭撮無乖  
 黍累又可以校運算之膠合辨分天之邪正察四氣之盈  
 虛課六厯之疏密永世貽則傳之無窮赫矣煥乎無得而  
 稱也昔嘉量微物盤盂小器猶且昭德記功載在銘典况  
 入神之制與造化合符成物之能與坤元等契勳倍楹席  
 事百巾机寧可使多謝曾水有陋昆吾金字不傳銀書未  
 勒者哉乃詔小臣爲其銘曰

一暑一寒有明有晦神道無跡天工罕代乃置挈壺是惟  
 熙載氣均衡石晷正權概世道交喪禮術銷亡遽遷水火

爭倒衣裳擊刁舛次聚木乖方爰究爰度時惟我皇方壺  
外次圓流內襲洪殺殊等高卑異級靈虬承注陰蟲吐噏  
儵往忽來鬼出神入微若抽蘭逝如激電耳不輟音眼無  
留眄銅史司刻金徒抱箭履薄非兢臨淵罔戰授受靡訾  
登降弗爽惟精惟一可法可象月不知來日無藏往分似  
符契至猶影響合昏暮卷葷莢晨生尙辨天意猶測地情  
况我神造通幽洞靈配皇等極爲世作程

陸佐公石闕銘

以典章法度之所係而絕無尊嚴閎鉅之思詞靡裁疎  
不及刻漏銘遠矣錄而論之以示軌轍

昔在舜格文祖禹至神宗周變商俗湯黜夏政雖革命殊  
乎因襲揖讓異於干戈而晷緯冥合天人啓基克明峻德  
大庇生民其揆一也在齊之季昏虐君臨威侮五行怠棄

三正刑酷然炭暴踰膏柱民怨神怒衆叛親離躋地無歸  
 瞻烏靡托於是我皇帝拯之乃操斗極把鈞陳翼百神禋  
 萬福龍飛黑水虎步西河雷動風驅天行地止命旅致屯  
 雲之應登壇有降火之祥龜筮協從人祇響附穿胸露頂  
 之豪箕坐椎髻之長莫不援旗請奮執銳爭先夏首憑固  
 庸岷負阻協彼離心抗茲同德帝赫斯怒秣馬訓兵嚴鼓  
 未通凶渠泥首宏舸連軸巨艦接艦鐵馬千羣朱旗萬里  
 折簡而禽廬九傳檄以下湘羅兵不血刃士無遺鏃而樊  
 鄧威懷巴黔泥首於是流湯之黨握炭之徒守以藩籬戰  
 同枯朽草車近次師營商牧華夷士女冠蓋相望扶老攜  
 幼一旦雲集壘漿塞野簞食盈塗似夏民之附成湯殷士  
 之窺周武安老懷少伐罪弔民農不遷業市無易賈八方  
 入計四隩奉圖羽檄交馳軍書狎至一日二日非止萬機

而尊嚴之度不謬於師旅淵默之容無改於行陣計如投  
水思若轉規策定帷幄謀成几案曾未浹辰獨夫授首乃  
焚其綺席棄彼寶衣歸旋臺之珠反諸侯之玉指麾而四  
海隆平下車而天下大定拯茲塗炭救此橫流功均天地  
明並日月於是仰叶三靈俯從億兆受昭華之玉納龍叙  
之圖類帝禋宗光有神噐昇中以祀羣望攝袂而朝諸夏  
布教都畿班政方外謀協上策刑從中典南服緩耳西羈  
反舌劔騎穹廬之國同舟共穴之人莫不屈膝交臂厥角  
稽顙鑿空萬里攘地千都幕南罷鄴河西無警於是治定  
功成邇安遠肅忘茲鹿駭息此狼顧乃正六樂治五禮改  
章程創法律置博士之職而著錄之生若雲開集雅之館  
而歛關之學如市興建庠序啓設郊丘一介之才必記無  
文之典咸秩於是天下學士靡然向風人識廉隅家知禮

讓教臻侍子化洽期門區宇乂安方面靜息役休務簡歲  
阜民和歷代規謨前王典故莫不芟夷翦截允執厥中以  
爲象闕之制其來已遠春秋設舊章之教經禮垂布憲之  
文戴記顯遊觀之言周史書樹闕之夢北方明月西極流  
精海岳黃金河庭紫貝蒼龍元武之製銅雀鐵鳳之工或  
以聽窮省寃或以布化懸法或以表正王居或以光崇帝  
里晉氏浸弱宋厯威夷禮經舊典寂寥無記鴻規盛烈湮  
沒罕稱乃假天闕於牛頭託遠圖於博望有欺耳目無補  
憲章乃命審曲之官選明中之士陳圭置臬瞻星揆地興  
復表門草創華闕於是歲次天紀月旅太簇皇帝御天下  
之七載也構茲盛則與此崇麗方且趨以表敬觀而知法  
物覩雙碣之容人識百重之典作範垂訓赫矣壯乎爰命  
下臣式銘盤石其辭曰

惟帝建國正位辨方周營洛浹漢啓岐梁居因業盛文以  
化光爰有象闕是惟舊章青蓋南泊黃旗東指懸法無聞  
藏書弗紀大人造物龍德休否建此百常興茲雙起偉哉  
偃蹇壯矣巍巍旁映重疊上連翠微布教方顯浹日初輝  
懸書有附委篋知歸鬱岷重軒穹隆反宇形聳飛棟勢超  
浮柱色法上圓製模下矩周望原隰俛臨烟雨前賓四會  
却背九房北通二轍南溱五方暑來寒往地久天長神哉  
華觀永配無疆

溫鵬舉寒陵山寺碑

此亦紀功碑也託之佛寺已爲失體文亦委蕪不振以  
其爲唐初等慈昭仁諸文嚆矢故仍錄之

昔晉文尊周績宣於踐土齊桓霸世威著於邵陵並道冠  
諸侯勳高天下衣裳會同之所兵車交合之處寂寞消沉



荒涼磨滅言談者空知其名遙遇者不識其地然則樹銅  
表跡刊石記功有道存焉可不尚歟永安之季數鍾百六  
天災流行人倫交喪爾朱氏旣絕彼天綱斷茲地紐祿去  
王室政出私門銅馬競馳金虎亂噬九嬰暴起十日並出  
破壁毀珪人物旣盡頭會箕歛杼軸其空大丞相渤海王  
命世作宰惟幾成務標格千仞崖岸萬里運鼎阿於襟抱  
納山岳於胸懷擁元雲以上騰負青天而高引鐘鼓嘈噴  
上聞于天旌旗續紛下盤於地壯士凜以爭先義夫憤而  
競起兵接及於斯場車錯轂於此地轟轟隱隱若轉石之  
墜高崖碾碾礧礧如激水之投深谷俄而霧捲雲除冰離  
葉散靡旗蔽日亂徹滿墊楚師之敗於柏舉新兵之退自  
昆陽以此方之未可同日旣考茲沃壤建此精廬砥石礪  
金瑩珠琢玉經始等於佛功制作同於造化息心是歸淨

行攸處神異畢臻靈仙總萃鳴玉鸞以來遊帶霓裳而至  
止翔鳳紛以相囀飛龍蜿而俱躍雖復高天銷於猛炭大  
地淪於積水固以傳之不朽終亦記此無忘  
王子淵上庸公陸騰勒功碑

方之齊梁浮響尙少

在昔洞庭彭蠡三苗有遠竄之君太室陽城九州無同姓  
之國是知周衛設險所務非山川河岳作固所寶惟休德  
至于三峽蹇產九折崢嶸高峰尋雲深谷無景秦開漢閉  
雖阻荷戟之虞魏塞晉通終因束馬之利我大周開闢宇  
宙混同文軌御六氣于天樞頓八紘于地絡彭濮未恭叩  
竿不討外憑劔道之難內負銅梁之阨大將軍上庸公仗  
國威靈奉辭伐罪長戟萬隊巨艦千舳板楯酋豪斯榆君  
長歷稔適寇累代稽誅廓清江源蕩滌巴濮若夫荆門千

里蜀置永安之宮巴水三迴吳阻夷陵之縣巫峽使君之  
灘淪波浴沒建平督郵之道棧徑威紆路阻蠻陬途橫夷  
落擯強專險輕法侮吏天子爰詔有司公奉天討星言載  
塗指日遙邁冊授公大將軍信州刺史韓信召拜軍中致  
設壇之禮衛青出征臨河聞後距之令夫鍾鼎大禮之器  
昭德必書金石不朽之質庸勳斯樹某等乃建碑于某地  
敢作頌云

遐觀命氏眇求世祿龍圖紀河鴻漸于陸霸楚傳姓命吳  
啓族君子篤生降靈惟岳朝陽擢彩荆山曜璞巴庸自擅  
彭濮稱王南泊棘道西通夜郎內憑玉壘外阻銅梁介視  
荒服斗絕邊疆赫赫南仲堂堂方叔天子命我遐征越逐  
竇氏車騎去病冠軍封山刊石鐫銘刻勳遠隔年代懸感  
風雲盛德必祀千載斯文

薛元卿老氏碑

文字因題而異亦因所施而異意存揚頌遂泛濫而忘其所歸是忘題也爲老氏立碑不詳立碑之意而詳立碑之人是忘其所施也自梁以下其蔽皆然駢體之遂爲分途皆自此等爲之厲也 此唐初四傑之先聲其小異者尚有疎樸之致

自太極權輿上元開闢舉天維而懸日月橫地角而載山河一消一息之精靈上生下生之氣候固以財成庶類亭毒羣品有人民焉有君長焉至若上皇邃古夏巢冬穴靜神息智鶉居鷄飲大禮與天地同節非折疑于俎豆大樂與天地同和豈考擊于鐘鼓逮乎失道後德失德後仁皇王有步驟之殊民俗有淳醜之變于是儒墨爭鶩名法並馳禮經三百不能檢其情性刑典三千未足息其奸宄故

知潔其流者澄其源直其末者正其本源源本本其唯大道乎老君感星載誕莫測受氣之由指樹爲姓未詳吹律之本含靈在孕七十餘年生而白首因以老子爲號其狀也三門雙柱表耳鼻之奇蹈五把十影手足之異爰自伏羲至于周氏綿祀歷代見質變名在文王武王之時居藏史柱史之職市朝屢易容貌不改宣尼一覩嘆龍德之難知關尹四望識真人之將隱乃發揮衆妙著書二篇率性歸道以無爲用其辭簡而要其旨深而遠飛龍成卦未足比其精微獲麟筆削不能方其顯晦用之治身則神清志靜用之治國則反朴還淳旣而鍊形物表卷迹方外蜺裳鶴駕往來紫府金漿玉酒讌衍清都參日月之光華與天地而終始涉其流者則擯落囂塵得其門者則騰驤雲霧大椿凋茂非蜉蝣之所知溟渤淺深豈馮夷之能測盛矣

哉固無德而稱也莊周云老聃死秦佚弔之三號而出是  
謂遁天之刑雖復傲吏之寓言抑亦蟬蛻之微旨皇帝誕  
靈縱獻接統膺期照春陵之赤光發芒山之紫氣珠衡月  
角天表冠于百王明鏡衢鑄聖德會於千祀周道云季多  
難在時九鼎共海水同飛兩日與洛川俱闕天齊地軸之  
所蛇食鯨吞銅陵玉壘之區狼顧鳩跼黃延奸宄鄭阻兵  
禍大縱毒螫將逼函夏神謀內斷靈武外馳應機搶而掃  
除仗旄鉞而斬伐共工旣翦重立乾坤蚩尤就戮更調風  
雨宰制同造化之功生靈荷魂魄之賜萬方欣戴九服謳  
歌乃允答天人祗膺指讓升泰壇而禮上帝坐明堂而朝  
羣后昔軒轅顛頊建國不同大昊少昊邦畿各異舜改堯  
都夏遷虞邑歷選前辟義存創造惜十家之產愛兆民之  
力經始帝君不移天府規摹紫極仍據皇圖下宇上棟務

存卑儉右平左城聿遵制度朝夕正殿不別起於鴛鸞升  
降靈臺豈更營于鳩鵲憂勞庶績矜育蒼生念茲在茲發  
于寤寐棘林肺石特降皇情祝網泣辜深存寬簡草纓知  
耻畫服與慚天無入牢之星地絕城牛之氣延閣廣內考  
集羣典石渠璧水闡揚儒業綴五禮于將壞正六樂于已  
崩總章溺志之音太師咸功之頌承華養德作貳東朝外  
正萬邦內宏三善兩離炳曜重日垂明永固洪基克隆鼎  
祚重以維城磐石多藝多才良佐寶臣允文允武爲王室  
之藩屏成神化之丹青致世俗于潤塗納烝民于壽域旌  
頭垂象窮變成形獯獫作患其來久矣無上算以制之用  
下策而難服自我開運耀德戢兵感義懷仁稱藩請朔稽  
顙款塞匍匐投掌牴牾夜郎之所靡漢桑乾之地咸被聲  
教並入提封閩越勾吳不愆貢職夫餘肅慎無絕夷邸遐

邈禋福文軌大同自三代之餘六雄競逐秦居閏位漢雜  
霸道魏氏則虐深華夏有晉則化成戎狄降斯以後粹駁  
不分帝迹皇風寂寥千載天命聖德會昌神道變億兆之  
視聽復三五之規模固以幽明贊協符瑞彪炳千年靈蔡  
著天地以效徵三足神鳥感陽精而表質春泉如醴出自  
京師秋露凝甘遍于竹葦星光若月雲氣飛烟三農應銅  
雀之鳴五緯叶珠囊之度信可以揚鑿動蹕肆觀東后玉  
檢金繩登封岱岳而謙以自牧爲而不宰尙寢馬卿之書  
未允梁松之奏在青蒲之上常若乘奔處黃屋之下無忘  
夕惕雖蒼壁黃琮事大事地南正火正屬神之禋猶恐祀  
典未宏秩宗廢禮永言仁里尙想元極壽宮靈座麋鹿徒  
倚華蓋蜀壇風霜凋弊乃詔上開府儀同三司亳州刺史  
武陵公元胄考其故迹營建祠堂皇上往因歷試總斯藩



部猶漢光司隸之所魏武兗州之地對苦相之兩城繞渦  
穀之三水芝田柳路北走梁園沃野平臯東連譙國望水  
置禁揆景瞻星擬玄圃以疏基橫玉京而建宇雕楹畫栱  
磊砢相扶方井員淵參差交映尊容肅穆仙衛儼而無聲  
神館虛閑滴瀝降而成響清心潔行之事存元守一之儔  
四方輻湊千里波屬知如在此之敬申醮祀之禮顯仁助于  
王者冥福資于黎獻允所謂天大道大難幾者矣若夫名  
言頓絕幽泉之路莫開形器不陳妙物之功難著騰茂實  
飛英聲圖丹青鑲金石不可以已而在茲乎歲次敦牂律  
中姑洗大隋馭天下之六載也乃詔下臣建碑作頌其詞

曰

悠哉振古邈矣帝先四紀維地入柱承天叢生類聚廣谷  
大川至道靈運神功自然五精應感三微相繼樹以司牧

執其象契帝迹慚皇王歆謝帝上德逾遠淳風漸替時乖  
澹泊俗異冲和尚賢飾智懸法張羅內修樽俎外事干戈  
魚驚網密鳥亂弓多真人出世星精下斗龍德在躬鶴髮  
垂首解紛挫銳去薄歸厚日角月角天長地久小並五嶽  
隘此九州逝將高蹈超然遠遊青牛已駕紫氣先浮元門  
洞啓神化潛流賴鄉舊里渦川遠迹古往今來時移世易  
靈廟凋毀祠壇虛寂九井生祠雙碑碎石惟皇受命乃神  
乃聖響發地鐘光垂天鏡宇宙開朗妖氛蕩定耀魄同尊  
參神取正流沙蟠木鳳穴龜林異類歸欵萬方宅心鴻臚  
納賚王會書琛青雲干呂薰風入琴化致鼎平家興禮讓  
永言柱下猶慚太上乃建清祠式圖靈狀原隰爽塏亭臯  
彌望梅梁桂棟曲檻叢楹煙霞舒卷風霧凄清仙官就位  
羽客來庭穰穰簡簡降福明靈至神不測理存繫象大音

希聲時振高響遐邇  
讚頌幽明資仰敬刊金石永播天壤

合河蕭氏  
分粹家韻